

GOSOS DE SA SANTA RUGHE

FECUNDA ARBORE FIORIDA
MISTICA PREZIOSA PLANTA
PREZIOSA RUGHE SANTA
ARBORE D'ETERNA VIDA.
Preziosa.....

Mistic'arca de Noè
contra sa tempest'amara
alta prodigiosa vara
de su misticu Mojse'
screttru de s'eternu ree
bandera in altu estendida

Preziosa.....

Truncu excelsu singolare
de s'altu re Salomone
hue su re de Sione
sas tribus det giudicare
signu chi si det mostrare
in cudda ultima benda

Preziosa.....

Lettu in hue si est dormidu
cuddu angione immacladu
arbore su pius notadu
de su fruttu pius nodidu
arbor' hue hat fattu nidu
s'ave de chelu benida

Preziosa.....

Preziosu reliquiauru
chi tantos donos inserrat
chi destruit e atterrat
sas armas de su contrariu
riccu e abbondante erariu
de dogni grazia complida

Preziosa.....

Crae chi sol'appergisit
sas portas de s'altu chelu
templu hue su sacru velu
de testa a pes si rompisit
libru in hue si iscridisit
sa littera pius leida.

Preziosa.....

Pianta sa pius istimada
pianta preziosa e pia
custa illustre cumpagnia
bassu cussa umbra sagrada
tenela pro incumandada
in coro sempre unida.

Preziosa.....

Scala de Jaccob sagrada
de chelu a terra suspesa
scala de anghelos mantesa
de Deus a pala portata
de David arpa accordada
cun tres claviglias grunida

Preziosa.....

FECUNDA ARBORE FIORIDA
MISTICA PREZIOSA PLANTA
PREZIOSA RUGHE SANTA
ARBORE D'ETERNA VIDA.